



KOMUNIKADO PA PRENSA

Fecha

28 di yüni 2018

Persona di Kontakto

Jhanirha Da Costa Gomez-Anita

Email

jhanirha.anita@gobiernu.cw

Let's Get Connected! Seminario tokante konektivitat áereo den Reino Hulandes.

Willemstad – Outoridat di Aviashon Sivil di Kòrsou, komo parti di Ministerio di Tráfiko, Transporte i Planifikashon Urbano, huntu ku Ministerio di Desaroyo Ekonómiko, i Ofisina di Turismo di Kòrsou a organisá e seminario titulá ' Lets Get Connected': Seminar on Air Transport Connectivity' riba djabièrnè 28 di yüni.

Un konektivitat áereo optimal ta krusial pa desaroyo sostenibel di ekonomia di tur parti di Reino Hulandes, specialmente esun di Karibe Hulandes. E kambionan den e struktura konstitushonal di Reino tabata tin impakto riba e industria di aviashon.

Desaroyonan di último tempu den e industria a alsá konsiensia riba e importansia pa kuida e konektivitat eksistente, i traha pa alsa i mehorá e nivel di e konektivitat áereo aktual. A firma un protokòl di transporte áereo teniendo kuenta e último desaroyonan, i rekonosiendo e importansia di un konekshon optimal entre tur parti di Reino Hulandes pa stimulá kresementu di e industria.

Durante di e seminario a analisá e maneho áereo den Reino. Un revishon di maneho eksistente lo por ta nesesario pa drenta e era nobo di aviashon kaminda konektivitat ta di tal manera ku e ta supplí e demanda di merkado.

Durante di e seminario, diferente orado a presentá nan perspektiva di desaroyonan pa loke ta konektivitat entre e islanan di Karibe Hulandes, i posibel maneranan pa garantisá e konektivitat aki. Partisipantenan tabata tin oportunidat pa diskutí riba esaki durante diferente seshon di pènel. A yega na diferente konklushon i a plania diferente akshon huntu.